

Condoling A Widow

*T 00:00:04:00

Wahserihwá:ronke' ken thí:ken nón:kwa kyé:teron wa'akoteré:onhske'?

*T 00:00:10:15

Hen, ónhka wa'onkhró:ri' FaceBook yakotkáhthon.

*T 00:00:13:28

Hen, tánon' kén nithoyèn:'a wáhi.

*T 00:00:16:07

Yah árekh yà:ya'k niwáhsen.

*T 00:00:18:09

Ka' ok nón: tóka', wisk niwáhsen sha'té:kon khók na'tehaohseriyà:kon.

*T 00:00:25:02

Thontayawénstsi ken tsi wahatóhetste'?

*T 00:00:26:22

Kwáh í:ken tsi nikarihwésha yá:ken tsi wahanonhwákten'.

*T 00:00:30:17

Tó:kats kén tó:k sewenhní:ta nyahá:re.

*T 00:00:35:14

Ayethiyatken'sé:ra' káti ken ne yakotere'ónhskon?

*T 00:00:38:19

Akí:ron' tó:ka aón:ton'.

*T 00:00:40:08

Nahò:ten ayethihró:ri'? Ostónha ní:'i katshé:yarons.

*T 00:00:46:28

Nahò:ten teyotonhwentsyóhon akí:ron'?

*T 00:00:49:08

Enhsí:ron' wake'nikonhráksens tsi wahsatkarón:ni'.

*T 00:00:53:12

Tó:ske.

*T 00:00:56:11

Tánon', sa'nikonhranirónha'k wátsi'k entsyoyáneren'ne'.

*T 00:01:06:10

Tánon' tyótkon ratihtharáhkwen tsi yah ó:nen teshotironyà:kon wáhi.

*T 00:01:10:23

Enwá:ton' ken aya'í:ron' né:é, káton sótsi ne...

*T 00:01:14:26

Sótsi ne kwáh ki' ó:nen'k. Hen, nék tsi...

*T 00:01:20:16

Hao' ki', tó:kat ohrhon'ké:ne thó: yentewe.

*T 00:01:23:10

Hénh.

*T 00:01:25:00

*T 00:01:25:16

Ónhka ne tenshenonhwerà:ton ne yakotehyà:ron, yakokstén:ha, yah teyakonyà:kon,... yah, wa'akoteré:onske.

*T 00:01:38:29

Tó:ka shí:ken ónhka ró:ne wahrénheye, nahò:ten ahsí:ron teshenonhwerà:ton.

*T 00:01:55:17

Nahò:ten ne...

*T 00:01:56:10

Tsitewatkarón:ni. Wahsatkarón:ni.

*T 00:02:00:20

Yah ken thahsí:ron...

*T 00:02:03:20

Wa'tkonnonhwerà:ton tsi ...

*T 00:02:05:02

Yah thahsí:ron...

*T 00:02:07:16

Nahò:ten káti ahsí:ron?

*T 00:02:09:00

Ahsí:ron kwi' né:'e yah teyowén:nayen tsi nahò:ten nahsatkaronni:'onh. Né enhsí:ron.

*T 00:02:20:10

Yotatitén:rat. Yah thaónton ahsí:ron yotatitén:rat.

*T 00:02:25:28

Yah. Enhsí:ron, yah teyowén:nayen.

*T 00:02:27:17

Yah ken ne tháonton ahsí:ron...

*T 00:02:31:00

Akí:ron tsi ne rotohetston ne tshe'ksténha né:'e.

*T 00:02:36:15

Yah tewaka'nikonhrón:ni tsi niyawén:'en.

*T 00:02:37:23

Káton ne wetewatkarón:ni.

*T 00:02:40:18

Yo'nikonhráksa't.

*T 00:02:42:19

Yo'nikonhráksa't ne nahò:ten wa'tesatóhetste tsi wahsateré:skon tánon ki', í:kehre kí:ken... yah ne tahinonhwerà:ton...

*T 00:02:54:22

Takatenró:seron, No. Yo'nikonhráksa't tsi nahò:ten wa'tesatóhetste, akí:ron ki skén:nen tsi nahò:ten entasanonhtónnyon nón:wa wenhniseraténnyon enwatahsónteron.

*T 00:03:06:27

Thó:'k ki' ní:kon enkkwé:ni enkwennóhetste

*T 00:03:09:00

*T 00:03:09:29

Wa'kerihwà:ronke tsi kwáh í:ken tsi wesatera'swáksen'ne.

*T 00:03:14:05

Ayà:wen's tsi... wakateryéntare tsi yókste, ayà:wens ki' sate'nikonhtá:ko, sehyà:ra'k tsi nishenorónhkwhakwe.

*T 00:03:29:17

Yah nonwèn:ton tsi sheyaten'nikónrhén nikaríhwehs seniyenawá:konhkwe, tyótkon skén:nen enkénhakwe.

*T 00:03:37:05

Né: ki' tyótkon ahsanonhtonnyónhak, skén:nen ki enkénhak. Aweronhátýen tsi yah taonsashé:ken thó: ki ni tsi entáhshawe tsi ní:yoht shé:kon í:yenhs, kanónhskon í:yenhs. Sherihwakwénnyenhst.

*T 00:03:53:16

Tóhsa tesatté:ni, tóhsa ónhka, tó:ka kénh ahsí:ron kénh niyeyérhahkwe, kénh niyeyérhahkwe nék ne nahò:ten wahétken.

*T 00:04:06:06

Akwé:kon shá:wi nahò:ten ne tó:kat wahétken thé:nen niyawén:'en nék ne ka'nikonhrí:yo tyótkon sheyà:ra'k.

*T 00:04:14:08

Yah nonwèn:ton sasheyaten'nikón:rhen, kanó:ron se' ne kanoronhkwátshera.

*T 00:04:23:05

Nyawen'kó:wa. Kó:r ne rina'tónhkwa, tsi sahske'nikonhraní:ra'te kwáh ki' tóhske tsi nahò:ten sá:ton.

*T 00:04:32:21

Kwáh né:k ké:hyare tsi, tsi niyeya'tó:ten. Yah ni tewakonhwéskwani nakí:ron "kénha," káton tsi niyeya'toténhahkwe.

*T 00:04:40:12

Thó: ní:'i ni tsi kka'ényons thó: ni tsi tekká:nere tsi shé:kon kénh í:yens.

*T 00:04:46:15

Ta' nón:wa nék ne o'nikón:rakon tánon akwé:kon né:k, né:k enwatá:karahkwe tsi nahò:ten ne skén:nen.

*T 00:04:54:27

Tsi ní:kon tetyatohetston tóhske thó:kara niyoyó'ten ohstónha yókste, tsyá:ta ki' wáhi niyonkeniwí:rayen.

*T 00:05:03:13

Yah ki thé:non nonwèn:ton,... skátne tsi tyó:tkon ayonkeniyó'ten. Yah nonwèn:ton thaonkkwé:nyon ne ayontya'tí:ston.

*T 00:05:12:16

Né:ne kena'tónhkwa kwáh yah nonwèn:ton teyaká:wen "yókste." Kwáh yah nonwèn:ton ne tsyowén:na' néne yah thó: thayako'nikonhroténhake.

*T 00:05:24:16

Yonhwé:son ne thó: ni tsi tsi tetyateró:hon. Yah ki' kayo'ténhsera té: ne tkahsnonhsó:ren tsi tetyatatenorónhkwhahkwe.

*T 00:05:34:00

Aronhátýen tsi wa'éhente thó: nitya'toténhne. Wakerhyaratsherá:yen na' ni
ya'kató:hetste yeyatyatahsón:teren tsi niyó:re yekeni'nihárho.

*T 00:05:45:14

Hén, né thí:.